



Bosna i Hercegovina
Federacija Bosne i Hercegovine
Tuzlanski kanton
GRAD GRADAČAC

H.K.Gradašćevića 54, 76 250 Gradačac, telefon 035-369-750, fax. 035-369-751, e.mail: opc.grad@bih.net.ba, www.gradacac.ba

GRADSKO VIJEĆE

Na osnovu člana 8. stav 29. Zakona o principima lokalne samouprave u FBiH („Službene novine FBiH“, broj 49/06 i 51/09), člana 28. stav 4. Zakona o zaštiti i dobrobiti životinja („Službeni glasnik BiH“, broj 25/09), člana 3. Pravilnika o osnivanju i uvjetima koje moraju ispunjavati skloništa za životinje („Službeni glasnik BiH“, broj 27/10), člana 36. Odluke o uslovima i načinu držanja pasa, te načinu postupanja sa napuštenim i izgubljenim psima na području općine Gradačac („Službeni glasnik općine Gradačac, broj 08/2018) i člana 6.stav 1. alineja 2.Statutarne Odluke o organizaciji Grada Gradačac u skladu sa Zakonom o Gradu Gradačac („Službeni glasnik Grada Gradačac” br: 1/19), Gradsko vijeće grada Gradačac na prijedlog gradonačelnika, na sjednici održanoj dana _____ 2020.godine, d o n o s i :

PRIJEDLOG

ODLUKU

o osnivanju skloništa za napuštene životinje

Član 1.

Grad Gradačac (u daljem tekstu : Grad) osniva sklonište za napuštene životinje na zemljištu označenom kao:

- k.č.broj: 73/3 k.o. Gradačac I – Karača, površine 2384 m² u vlasništvu Grada Gradačac.

Član 2.

Nakon stupanja na snagu ove Odluke, između Grada kao vlasnika zemljišta i izabrane Veterinarske stanice će se zaključiti Ugovor kojim će se detaljno definisati međusobna prava i obaveza potpisnika.

Član 3.

Način rada i održavanja samog skloništa, funkcionisanje kao i uslovi korištenja biti će predmet posebnog Sporazuma nakon izgradnje istog.

Član 4.

Hvatanje, sakupljanje, transport, pregled i veterinarasku zaštitu napuštenih, izgubljenih pasa i pasa lualica će se obavljati savremenim metodama, na human način i bez zlostavljanja, uz primjenu odgovarajuće opreme i prevoznih sredstava, a skladu sa propisima o zaštiti i dobrobiti životinja i veterinarstvu.

Član 5.

Nakon stupanja na snagu ove Odluke, Grad Gradačac - Odsjek za komunalne poslove će bez odlaganja započeti aktivnosti na pripremi dokumentacije i dozvole za formiranje skloništa, na osnovu uputstava koje propisuje nadležno ministarstvo a na prijedlog Ureda za veterinarstvo BiH.

Član 6.

Ova Odluka stupa na snagu osmog dana od dana objavljivanja u Službenom glasniku Grada Gradačac.

Član 7.

Stupanjem na snagu ove Odluke prestaje da važi Odlukao osnivanju skloništa za napuštene životinje („Službeni glasnik Općine Gradačac, broj: 03/2019).

Bosna i Hercegovina
Federacija Bosne i Hercegovine
Tuzlanski kanton
GRAD GRADAČAC
-Gradsko vijeće-

Broj:
Datum:

Kujraković Husein.s.r.

PREDSJEDAVAJUĆI
GRADSKOG VIJEĆA

O b r a z l o ž e n j e

Odluke o osnivanju skloništa za napuštene životinje

Iz razloga promjenjenih okolnosti i prestankom sa radom udruženja „Balkanska šapica“ kao i gašenja J.P. „Veterinarska stanica“, pristupilo se izradi nove Odluke o osnivanju skloništa za napuštene životinje.

Razlog promjene lokaliteta izgradnje samog skloništa su bolji početni uslovi na novom lokaciji, kao i sa aspekta početnog ulaganja na predmetnoj lokaciji jer postoji određen dio infrastrukture- voda, kanalizacija, struja, video - nadzor. Obzirom da se u neposrednoj blizini nalazi prečistač, imamo 24h kontrolu nad skloništem. Na navedenoj lokaciji se prije i nalazilo prihvatilište za pse kojim su upravljali privatna lica.

Grad Gradačac se obavezuje da će izgraditi sklonište za napuštene životinje a sve u skladu sa članom 9. Pravilnika o osnivanju i uvjetima koje moraju ispunjavati skloništa za životinje, kojim je propisano je da skloništa moraju biti smještena na takvom mjestu da ne narušavaju rad i cjelovitost već postojećih objekata i da ne kontaminiraju okolicu, kao i da su udaljena od naseljenog mjesta najmanje 250-300 metara, što je uvjet koji je u konkretnom slučaju zadovoljen.

Nakon usvajanja Odluke nadležni organ Grada će izdati dozvolu za formiranje skloništa za životinje, na osnovu uputstava koje propisuje nadležno ministarstvo, a na prijedlog Ureda, te voditi upisnik skloništa za životinje.

Sklonište za životinje finansirat će se iz budžeta Grada, te drugih vidova finansiranja (donacije, pokloni itd.).

Članom 36. Odluke o uslovima i načinu držanja pasa, te načinu postupanja sa napuštenim i izgubljenim psima na području Općine Gradačac-u daljem tekstu Odluka („Službeni glasnik općine Gradačac, broj 08/2018) propisano je da se „skloništa za životinje i higijenski servis moraju osnovati u roku od šest mjeseci od dana stupanja na snagu ove odluke“.Navedena odluka je stupila na snagu osmog dana od dana objavljivanja u „Službenom glasniku Općine Gradačac“ od 12.10.2018.godine.

Članom 24. stav 7. Odluke propisano je da „*ukoliko se na području općine Gradačac od strane pravnih i fizičkih lica osnuje sklonište za životinje, međusobni odnosi između higijenskih servisa i tih subjekata (osnivača) regulisat će se sporazumom ili posebnim aktom Općinskog načelnika.*“

Člana 6.stav 1. alineja 2.Statutarne Odluke o organizaciji Grada Gradačac u skladu sa Zakonom o Gradu Gradačac („Službeni glasnik Grada Gradačac” br: 1/19), navodi da Gradsko Vijeće u okviru svojih nadležnosti donosi odluke i druge opće akte kojima uređuje pitanja iz samoupravnog djelokruga Grada;

Članom 8. Stav 3. tačka 29. Zakona o principima lokalne samouprave u FBiH („Službene novine FBiH“, broj 49/06 i 51/09)propisano je da „*jedinica lokalne samouprave ima vlastite nadležnosti ustanovljene ustavom i zakonom i ima pravo baviti se svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge*

vlasti na osnovu ustava i zakona. U vlastite nadležnosti jedinice lokalne samouprave posebno spada i zaštita životinja. “

Problem pasa lualica na ulicama i javnim površinama Grada Gradačac je evidentan već nekoliko godina, te se njihov broj iz dana u dan sve više povećava. Gradskim službama je upućen veliki broj žalbi građana, koje su posljedice ugriza i straha, te pričinjene materijalne štete.

Sve veće razmnožavanje i prisustvo pasa lualica na javnim i drugim površima predstavlja problem zajednice, te se imajući u vidu sve navedeno predlaže Gradskom vijeću Gradačac da donese Odluku o osnivanju skloništa za napuštene životinje u predloženom tekstu.

Obrađivač:
Gradsko služba za urbanizam,
investicije i komunalne poslove

Predlagač:
Gradonačelnik